



KOMUNIKADU IMPRENSA

Centro Chega!l.P Asina Ona Nota Entendementu Ho French Cooperation Ba Programa Kultura No Edukasiona.

Díli – (11 Julu 2025), Centro Nacional Chega!l.P asina ona Nota Entendementu (NE) *Memorandum of Understanding (MoU)* ho French Cooperation. Objetivu prinsipal husi Nota Entendementu ne'e mak atu servisu hamutuk ba iha programa kultura no edukasiona.

Dokumentu ofisial ne'e asina husi Diretór Ezekutivu Centro Nacional Chega!l.P, Hugo Maria Fernande ho Representante French Cooperation iha Timor-Leste, Julie Brown, ne'ebé realiza iha edifisiu Centro Chega!l.P, Antigo Comarca Balide, iha âmbito Selebrasaun Aniversáriu Centro Nacional Chega!l.P ba dala-8 no Festivál Kultura Rezisténsia Populár ba dala-5 ho tema “Memória Koletiva Dalan ba Rekonsiliaun”.

Programa prioridade ne'ebé sei halo mak hanesan programa kultura no edukasiona. Iha programa kultura, parte rua sei koopera, liliu iha exhibisaun filme fransés nebe iha relasaun ho istoria, direitus umanus no justisa transitoriu ba estudante no joven sira atu sira bele aprende tanba filme nu'udar janela koñesimentu ne'ebé asesivel ba timoroan sira. Programa edukasiona ne'e, parte rua sei dezenvolve hamutuk liu husi envolvimentu estudante universitáriu sira iha aprendizajem istoria no direitus umanus.

Akordu kooperaun ne'e validu ba tinan 3 hahu husi (2025-2028) no servisu sira ne'ebé sei halo mak kona-ba área sira kooperaun nian foka ba dezenvolvimentu no implementasaun projetu hamutuk. Kooperaun téknika no finanseira. Troka esperensia, koñesimentu no informasaun sira. Hasa'e kapasidade no atividade treinamentu. Enkuadramentu sira monitorizasaun, avaliasaun, no relatóriu nian.

Akordu ida ne'e eziije responsabilidade parte rua nian konkorda atu dezigna pontu fokál sira hodi facilita komunikasaun no koordinasaun. Partisipa iha konsulta regulár sira hodi haree fila fali progresu. Fornese rekursu no parseria, sujeitu ba disponibilidade no akordu mútua, respeita prinsípiu sira kona-ba transparénsia no responsabilidade.

Konteudu husi NE ne'e, sita mos propriedade intelektuál no konfidensialidade ne'e signifika propriedade intelektuál hotu-hotu ne'ebé dezenvolve hamutuk tuir Nota Entendementu ne'ebé iha sei fahe ba parte rua atu mantein konfidensialidade husi informasaun durante kolaborasaun.

- Remata -

Ba informasaun liu tan kontaktu:

Raimundo Sarmento Fraga
Ofisiál Média no Komunikasaun
Email: rsfraga@centrochega.gov.tl
Nú. kontaktu: 7874 0345

Centro Nacional Chega!!I.P, *Da Memória à Esperança* (Centro Chega! I.P) hamri'ik nu'udar institutu públiku ida ne'ebé estabesele ho dekretu Lei nº. 48/2016. Centro Chega!!I.P nia vizaun mak: "Sosiedade ida ne'ebé inkluzivu, la repete istória pasadu nian, moris iha dame, no respeitu ba direitus umanu". Nia misaun mak: "Harii sentru Pós-konflitu ne'ebé prezerva memória pasadu nian hodi promove direitus no valór umanu, harii parseria nasional no internasionál hodi reforsa rede servisu sira ba implementasaun rekomendasaun sira husi Relatório Final *Comissão de Acolhimento, Verdade e Reconciliação* (CAVR)-Chega! no *Comissão da Verdade e Amizade* (CVA) - *Per Memórias Ad Spem*, sira ne'ebé relevante".